



Broj: 15-03-16-5-34-134/21  
Datum: 4.11.2021. godine

Na osnovu člana 61. Zakona o upravi („Službeni glasnik BiH“, br. 32/02, 102/09 i 72/17), člana 69. stav 2. tačka d) i člana 70. Zakona o javnim nabavkama („Službeni glasnik BiH“, broj 39/14) i člana 19. Zakona o Agenciji za identifikaciona dokumenta, evidenciju i razmjenu podataka Bosne i Hercegovine („Službeni glasnik BiH“, broj 56/08), direktor Agencije za identifikaciona dokumenta, evidenciju i razmjenu podataka Bosne i Hercegovine donosi

## ОДЛУКУ о поништењу поступка набавке

### Члан 1.

Poništava se postupak javne nabavke taktičke odjeće, opreme i HTZ odjeće, obuće i opreme – **LOT 1 – Taktička odjeća**, objavljen na web portalu Agencije za javne nabavke Bosne i Hercegovine, Obavještenje o nabavci broj 1110-7-1-51-3-77/21 od 28.9.2021. godine i Ispravka za Obavještenje o nabavci broj 1110-7-1-51-8-84/21 od 8.10.2021. godine, a za koji je proveden postupak konkurentskog zahtjeva za dostavljanje ponuda.

### Члан 2.

Ova odluka stupa na snagu danom donošenja.

## Образложење

Po provedenim aktivnostima, Komisija za provođenje postupka javne nabavke HTZ i radne odjeće, obuće i opreme je konstatovala da je rok za dostavljanje ponuda u postupku nabavke za **LOT 1 – Taktička odjeća** 19.10.2021. godine do 12:00 sati, te da do navedenog roka na protokol Agencije za identifikaciona dokumenta, evidenciju i razmjenu podataka Bosne i Hercegovine (u daljem tekstu: Agencija) nije pristigla nijedna ponuda. Neblagovremenih ponuda nije bilo. Imajući u vidu navedeno Komisija je predložila donošenje odluke o poništenju postupka nabavke taktičke odjeće, opreme i HTZ odjeće, obuće i opreme – LOT 1 – Taktička odjeća, u skladu sa članom 69. stav 2. tačka a) Zakona o javnim nabavkama.

Na osnovu prijedloga Komisije, odlučeno je kao u dispozitivu ove odluke.

**Pouka o pravnom lijeku:** Protiv ove odluke pravo žalbe ima svaki privredni subjekat koji ima ili je imao interes za dodjelu ugovora o javnoj nabavci i koji učini vjerovatnim da je u konkretnom postupku javne nabavke bila ili je mogla biti prouzrokovana šteta zbog postupanja Agencije, a što se u žalbi navodi kao povreda zakona i podzakonskih akata od strane ugovornog organa u postupku javne nabavke. Žalba se izjavljuje u roku od pet (5) dana od dana objave ove odluke na web stranici Agencije. Žalilac izjavljuje žalbu Kancelariji za razmatranje žalbi Bosne i Hercegovine putem Agencije, u pisanoj formi direktno ili preporučenom poštanskom pošiljkom. Žalba se podnosi u dovoljnom broju primjeraka, a koji ne može biti manji od tri (3).

X

DIREKTOR

Dr. sc. Arif Nanić

Signed by: RTRBIC / digitalno potpisano / digitally signed

